



# QUÆSTIO MEDICA,

QUODLIBETARIIS DISPUTATIONIBUS

manè discutienda in Scholis Medicorum, die Jovis

27 Januarii 1724.

M. JOANNE-DAMIANO CHEVALIER,

DOCTORE MEDICO PRÆSIDE.

*An Pests curatio ex Symptomatis?*

I.



N curandâ Peste, hanc sequere quam Natura monstrat mendendi viam, non quam tibi fingis Systematis artifex. Systema plerumque delirantis animi somnium, non verâ Naturæ indagatio. Cautus sit Medicus in scrutandis causarum arcanis, quæ Natura celari voluit. Infidas dum sectatur umbras, falsâ veritatis imagine captus, captabit pro Junone nubem. Quid inde? Ut me-

A-

ditantem malus abstulit error, sic medentem pejor deludit. Occo-  
nomia animali fulcitur medendi methodus. Hæc non à deviis, dubiis,  
falsivæ rationibus, sed aut à Naturæ lædenti, aut à nocendi modo  
indicationes mutuatur. Essentiæ rei quæ lædit cognitio, ut ad curatio-  
nem minimè necessaria, sic ingenii vires pluribus in morbis longè su-  
perat & vincit. Quis Tarantismi, rabiei, luis venereæ, variolarum,  
imò febrium intermittentium naturam scientiâ assecutus est? Hi tamen  
morbi satis feliciter curantur; Tarantismus choreâ; rabies balneo ma-  
rino, vel quibusdam *specificis*; mercurio lues venerea; febres inter-  
mittentes cortice peruviano. Cura variolarum opus non rarò Naturæ:  
hæc tamen sapius auxiliatrices manus postulat quæ conatus suos adju-  
vent, non antevertant; crism expectent, non promoveant maturius;  
aut futuram non sufflaminent. Pestis (ex horum censu morbus) nequi-  
dem ipsa curationem renuit, si defumantur indicationes ex iis quæ  
venenatæ luis nocendi modum detegunt.

# II

(a) *Barbacci*  
de peste.

*Diemerbroeck*  
de peste.

*Sydenham* de  
peste.

*Joannes Riola-*  
*nus de abdi-*  
*tis rerum cau-*  
*sis.*

(b) *Friederi-*  
*cus Hoffmannus*  
*disserat. de pe-*  
*ste. Virinus de*  
*peste.*

(c) *Vide Dic-*  
*merbroeck. ibid.*

(d) *Joannes*  
*Pistorius, Pla-*  
*scus, Diemer-*  
*broeck. Fern-*  
*lius.*

(e) *Fernan-*  
*dus Senvertius,*  
*Guercianus,*  
*Follinus.*

(f) *Fraca-*  
*storius, Reve-*  
*rius, Friederi-*  
*cus Hoffmannus*  
*disser. medico-*  
*physica de peste.*

*Joannes Riola-*  
*nus de generali*  
*medendi mo-*  
*thodo, c. xix.*

(g) *Fernelius*  
*de abditis re-*  
*rum causis, lib.*  
*a. c. 12. 13.*

*Radzivilius*  
*in itinera-*  
*rio, Morellus de fe-*  
*bre purpurata*  
*Diemerbroeck*  
*de peste, c. viii.*  
*probl. vi.*

(h) *Diemer-*  
*broeck. ibid.*  
*probl. iv.*

PESTIS quo vel solo nomine horret animus; mortaliaque con-  
tremitiscunt pectora, omnium morborum truculentissimus, acutissi-  
mus, maximè contagiosus; febre, bubone, *anthrace*, *exanthematis* id  
genus horrendis stipatur. Ejus quæ sit causa, Natura, latuit usque. (a)  
In homine generari viget pestilens non modo ex humorum putredine,  
sed ex solo mali terrore; quidam affirmant, (b) plures negant. (c)  
Plurimi à putrefaciente veneno subtili per aëra vagante pestiferæ luis  
causam repetunt. At videntiam aëri lethiferum inquinamentum? Lis  
sub Judice. Alii hanc labem à Deo vindice immitti, (d) alii à mali-  
gnis siderum influxibus, (e) alii à tempestatum certis constitutioni-  
bus, alii denique à tetris putridisque terræ, aquarum, cadaverum (f)  
exhalationibus produci asserunt. Horum quælibet opinio nonnullâ ve-  
ritatis specie exornatur; nulla certis & inconcussis stabilitur argumen-  
tis. A Deo creati pestiferam luem ex aliarum opinionum refutatione  
potius inducitur, quàm genuinis & propriis probatur rationibus. Ma-  
lignos esse siderum influxus suspicari, nimis credulitatis est. Ut aëris  
fervores maximos, ventos australes, sive secos, sive humidos, nullæ  
Pestes exceperunt; sic absque aëris inclementiâ Pestem insecutam,  
imò mensibus Decembri, Januario, Febuario grassatam, & æstivis  
caloribus solutam fuisse notum est. (g) Exhalationes post terræ motum  
ex ipsius sinu erumpentes venenatæ, non pestiferæ. Ambientem tan-  
tummodo aërem vitiant. Astantes suffocantur; sed non pestilentibus  
symptomatis cruciati intereunt: nemini contactu, halitu morbosum  
virus communicant. Aquarum putridis exhalationibus imbutum aërem  
pestiferam vim inducere posse quis æstimaverit? Plurimis in locis quæ  
peste rariùs infestantur, sapius aquæ corruptæ fætorem expirant into-  
lerabilem. (h) Nilus quot annis longè latèque diffusus terram obdu-  
cit limo, piscibus, crocodilis, aliisque monstis referto, quæ aquis  
destituta computrescunt. Non inde tamen emergit pestifera lues Ægy-  
pto noxia. Omnibus ferè mensibus contagio forinsecus advehitur; inun-

daſionis tempore, calidiſſimâ, auſtrinâ, inæquali tempeſtate omnino deſinit (a). Verùm ſi peſtis in Ægypto ex effuſione Nili, in Syria & Barbariâ undenam ortum ducit? A Solis ardore? Cur illa Æthiopix ora quæ Nigir fluvium accolit peſte immunis eſt (b)? Quid ſi Boreales plagæ non minùs peſte infeſtantur quàm Sole nimio ferventes? Illarum Mercatores, inquit, è regionibus torridis merces adferunt inquinatas, ipſi ſæpius infeſti redeunt. Commentum. E variis, ne dicam omnibus orbis partibus in ſinarum regnum confluunt omnis generis negotiatores, qui ſit ut nunquam contagium forinſecus accedat, ſicut è proprio regni ſinu emergit nunquam (c): Cadaverum exhalationes magnam habere vim ad peſtem generandam, omnium ferè eſt eſſatum. At non ſemel poſt magnas ſtrages cadaverum inhumatorum putrefactio nullas peſtes induxit. (d) Non ergo magis nota peſtis origo quàm ipſius natura. Quid igitur in tanta rerum caligine ſtatuendum? Suâ quique hypotheſi delectetur; nil moreris; veneni noveris effectus, hos indicant ſymptomata.

(a) *Fridericus Hofmannus diſſertatione de peſte. Proſper Alpinus de medicinâ Ægypt.*

(b) *Scaliger. Diemerb. c. VIII. prob. II.*

(c) *Trigautius. Diemerb. ibid.*

(d) *Diemerbroec. lib. 1. c. VIII. problem. 34.*

### III.

**S**YMP TOMATA cuiquam aut pluribus ſimul ex veneno peſtilentis naſcentibus occurrere vel mederi ſaragis? Indicantur ea quæ non minùs morbo adverſantur quàm ſymptomatis. Ipſi morbo decernis curationem? Quam tandem? Miſſionem ſanguinis? Hanc quidem proſuiſſe multorû obſervationibus conſtat (e): verum & nocuiſſe innueneri teſtantur (f). Cave igitur hujus utilitatem æſtimes cujuſquam auctoritate & exemplis. Inſpice non quis fecerit, ſed cur & quo exitu. In peſte ſanguinem Medici detraxerunt, & non miſerunt magni nominis (g). De adhibendis fugiendiſve purgantibus, cum veteribus veteres; cum recentioribus recentiores decertant armis æqualibus; hinc diſcito venæ ſectionis & purgationis uſum ſalutarem aut infauſtum; non ex ipſâ morbi naturâ, ſed ex veneni effectibus judicandum. Ad alexiteria confugies? Quenam? Non ſunt ejusdem virtutis. Alia *abſorbentium*, alia *ſudoriferorum*, alia *anodynorum*, alia *refrigerantium* vice funguntur. Hæc promiſcûè & indifcriminatim præſcribere ſummæ eſſet ignorantix. Quid ergo hujus vel illius uſum ſuadebit? Quinam ſunt peſtiferi toxici effectus attende. Non iidem in omnibus. Quidam valentibus omnino ſimiles ſubitò occumbunt. Alii ſine febre lenſibili bubones & anthraces paſſi evadunt. Ut plurimum tamen horrore corripiuntur mox febre. Febris comites plerumque ſiunt & aſſectæ jaçtationes & anxietates præcordiorum. Lingux ſiccitas adeſt, quandoque nigredo. Rubent oculi; viſus turbatur; laborant aures tinnitu, ſibilo, nonnunquam ſurditate. Siſis in quibuſdam aſpera, in aliis levis; aut nulla. Hoſ aſtus vehementes urit, illos nullus calor moleſtat. Dolores capitis rariùs acres pungunt; ſæpius gravativi lecto aſſigunt. Vigiliis, deliriis, convulſivis ſubſultibus alii cruciantur; alii ſopore gravi premuntur. In quibuſdam pulſus eſt validus & naturali penè ſimilis; in aliis parvus, creber, modo æqualis, inæqualis modo, quandoque intermittens. Sunt in quibus vires ab initio proſtrantur; ſunt in quibus robuſtæ perfeverant ad mortem uſque. Urinam ſi inſpexeris, modo naturalis apparet, modo.

(e) *Sydenham de peſte, p. 70. Mercurialis, Foreſius.*

(f) *Frideric. Hofm. Fernel. Rivinus, &c.*

(g) *Ceſius. Raza. Joan. Riolanus. Eriſ. Hofm.*

(a) *Eride-  
rius Hofman.  
Miseri, de peste.*

rutilans & ignea, modo etuda & tenuis aliquando etiam turbida. In eodem agro nonnunquam has eadem die subit mutationes. Multi frequentes patiuntur alvi dejectiones, crudas, admodum fortes, confusas, modo viridis, modo crocei coloris, interdum scatentes vermicibus. Haud infrequentius læditur ventriculus singultu, nausæa, vomitu bilioso, fœtidissimo. Sudores in his pauci aut nulli, in illis copiosi, in nonnullis graveolentes, coloris (mirum dictu) varii, citrini, purpurei, viridis, nigri, & velut sanguinolenti (a). Huic symptomatum liadi non raro accedit narium, oris, oculorum, aurium, penis, uteri, (mali plerumque omnis) Hæmorrhagia. Vultus aliis pallidus, aliis *erysipelaceus*, plurimis sanorum colori non multum absimilis. In locis glandulosis tumores exoriuntur bubones, parotides. In cæteris corporis partibus exilis modo pustula, sæpe plures simul junctæ sensim in molem assurgunt majorem modo, modo minorem. Hujus pars superior ex omnibus vesiculis in unam coeuntibus conflata vulgò carbonem extinctum refert, quandoque vesiculam ichore nigricante plenam: pars subiecta quasi *cauterio* inusta colorem acquirit vel cinereum vel nigrum: tumoris ambitus obscuro rubore splendet: Latini, *carbunculus*, Græcis *anthrax* dicitur: res eadem, diversa nomina. Insuper maculis purpureis, nigris, violaceis, rubeis paucis modo, modo multis, angustis aut latis, at sæpe semper exactè rotundis pars aliqua corporis, vel totum corpus conspergitur. Hac sæpe sunt luctuosissimi morbi symptomata. Ex his variè ludentibus, ut hostis furentis intus vires, & vias, fraudesque solers deprehendet Medicus, sic quibus auxiliis debellandus sit intelliget.

#### IV.

**F**EBRIS adest? Hanc esse memento Naturæ conamen. Hujus nonnunquam salutare conatus, sæpe irriti. Salutare habeto si venenum per sudores eliminetur, vel in bubones aut *anthraces* adigitur, utrumque cum agri levamine. Hanc sinendam aut juvandam edocent reliqui morbi qui per cutaneas eruptiones judicantur. Variola, morbilli, petechiæ ritè procedunt? Sanguinem mittere, corpus vacuare, fovere, refrigerare nefas est; totum opus Naturæ committendum benè consulenti. Eò sanctiùs præceptum quod in hoc morbo vel levissimum peccare, ægrum jugulare sit. Accedunt febri vel ipsam concomitantur jactationes anxie, dolores capitis lancinantes, vigilie, deliria, calor urens? Magnam venenati miasmatis partem ad præcordia, ad cerebrum expelli intelligito. Hinc pungi, convelli nervosum genus, vasà corrugari, sanguinis circuitum retardari. Tunc, præsertim si plethora sit, sanguinis missione è brachio, è pede opitulaberis. Procul absint cardiaca dicta, alexipharinaca, aliaque Naturæ tormenta. Sit victus parcius ex jusculis temperatis; potus tenuis & multus ex aquâ, aut *prisanis*, acidulatâ. Nitratis & camphoratis tumultuantes succos, irritata solida pacare studeas. Hac arte redintegrato fluidorum circuitu à venenato miasmate sese faciliùs expedit Naturâ. Non eundem veneni effectum sopor indicat. Ex pulsu discrimen. Debilis est aut tardus? Narcotico imbuta toxico solida cogitabis. Horum cardiacis emetico mixtis

motum exsuscitare enititor; sed parce sanguini. Pulsus est fortis, durus, & celer? Aut adest plethora, aut nimia sanguinis effervescentia, tum audacter sanguinem mittas. Non sint tibi fraudi diarrhæa frequentesque alvi dejectiones, hæ non Naturæ opus sed veneni intestina stimulantis. A quovis purgante caverò. Enematis, sed demulcentibus, si quid est saburræ detrahas, & consulas viribus. *Diaphoreticis*, prout febris sinit, & *absorbentibus* virtus debelles. Nausea & vomitus in primo morbi insultu vexant? Ventriculum pungit, commovet, subvertit aura venenata: Si recens fuerit cum aëre, salivâ, alimentisve hausta, emeticum propines. Seriùs adhibitum nocebit. Delapsum jam in intestinis chylum antequam vasa subierit per inferiora deturbare properabis: demum superstitis veneni sudoriferis eliminatio tentanda. At quæ vigente morbo cruciant, interclusi & à corporis *peripheriâ* retrogradi sanguinis argumenta nauseas esse memineris. Hos morbi impetus emulâri facinorosum. Ni venam secueris sanguis devius, cæterique liquores sua non relegent itinera: amicum non redintegrabitur solida inter & fluida commercium. Detractione sanguinis venenatam qualitatem imminui, detrahi, expelli quis neget nisi œconomix animalis planè nescius? Enim verò nocentis toxici eliminationem molitur Natura: obices ponit ejus motibus succorum redundantium copia, aut in vasis minoribus tarditas, vel stagnatio: Hos ut circumagat acrius ferit: Succus non obsecundantur? Vasorum diametros violant, apices aperiunt, erumpunt quâ data porta; si per vias naturales, & debitâ quantitatem; cum bonis ægri rebus; secus, cum vitæ dispendio, aut saltem summo discrimine. Maturè sanguinem detrahis? Sublatâ resistentiâ placidè vasorum oscillationes peragentur; æquabili circuitu liquores in propriis circumferentur alveis, & morborum medicatrix natura venenatam auram aut per sudores abiget, aut in colapso deponet. Qualescunque igitur hæmorrhagias non perinde suspectas habueris. Copiosissimo sæpe sanguinis è naribus fluxu morbus judicatur. Quæ suo tempore sunt *catamenia* sinenda: si liberaliùs fluunt cum virium dejectione, venæ sectione, aut absorbentibus, aut utrisque cohibenda. Qui per alias vias erumpit sanguineus latex revocandus, sistendus.

#### V.

**I**NTER hujus pessimi morbi symptomata referri solent bubones, *parotides*, carbunculi seu *ambraces*, petechiæ; excretiones veriùs critica. Bubonibus sæpè, rariùs carbunculis, rarissimè petechiis morbus judicatur. Ejus rei rationem si quaras, accipe. Quicquid à centro corporis ad ambitum movetur, continetur arteriis. Hæ instar coniformate expressores particulas versus apicem propellunt. Quæ enim hinc, inde hiant in arteriis venularum orificia, arctiora sunt arteriæ diametro. Motui aptiores sanguinis arteriosi particule venularum ora subeunt, densiores versus acumen urgentur. Huc appulsæ veneno turgidæ, si glandulas nasciscuntur, lymphatici liquoris affusione, quo madent harum extremitates spongiosæ, nonnihil mitescunt, & ad supurationem disponuntur. Dein bubonis apertione datâ viâ ichor viru-



lentus effluit. Novo sanguine easdem arterias subeunte, per sentinam expurgatur quicquid inest miasmate lethifero vitiatum. Pars interea sanguinis, cordi redditur, veneni purior. Sic sensim iteratis circuitibus sanguinis massa defæcatur, purgatur. Si autem apices arteriarum in quibus volvitur sanguis impurus in musculosas aut membranosas partes desinunt; hujus caustica virtus nihilò demulsa in pus abit difficilior, sed partes quibus insidet adurit, & vicinas serpendo depascit. Deinde obductâ partibus exesis crustâ duriori, perspirationis viâ ocluduntur. Per carbunculum virulentæ materiæ minùs protruditur quàm per bubonem; donec ulcere factò eidem paretur exitus. In plures simul arteriarum ramulos sæpè magna perniciosi miasmatis copia dispergitur. Tunc omnes ferè in his contenti sanguinis dissociatæ molecule lentescunt, hærent, maculis varii coloris conspicuæ. His extrudendis si par est Natura vincit, impar vincitur. Laboranti Naturæ adlaborare fatigis? Duriores sanguinis dilue particulas ejusmodi videlicet potulentis quæ solidorum oscillationes fovere naturales, debiliores augere, fortiores lenire queant. Bubones & anthraces Arte chirurgicâ sanandi. Imperfectam crism arguunt aut permanentia aut non valde remittentia post quamlibet eruptionem symptomata. Tunc aliàs mitius tractandi bubones mox scalpello aut cauterio aperiendi, vel vesicatoriis proliciendi. Carbunculi verò progressus inhibendus: substantia emortua quàm citissimè fieri potest separanda. In utroque tumoris genere factum ulcus tandiu apertum servetur, quandiu venenatâ luis aliquid in corpore delitescere constabit. Hûc omnis aliorum quæ supersunt symptomatum cura dirigantur. Imprimis caveto ne venæ sectione perperam celebratâ, aut catharticois ocius adhibitis intus revoces quod in extremis refedit. Sic symptomatis indicantur quæ sint nocitura, quæ profutura sint, quibusque auxiliis vincere Natura possit:

*Ergo Pestis curatio ex Symptomatis.*

Domini Doctores disputaturi.

M. Franciscus Pouffe.

M. Camillus Falconet Regia  
utriusque Aula Equestris  
Primarius.

M. Alexand. Petrus Maitland.

M. Thom. Bernardus Ber-  
trand.

M. Hyacinthus Baron.

M. Alexis Littré Regia  
Scientiarum Academia  
Socius.

M. Egidius Adam Chirur-  
gia Gallico idiomate Pro-  
fessor.

M. Joannes - Nicolai de la  
Hire à Regiâ Scientiarum  
Academia.

M. Petrus - Joannes Burret  
Professor Regius, & à Re-  
giâ Nominatum Academia  
miâ.

Proponebat Parisiis, LUD. JOAN. LE THIEULLIER, Laudunensis,  
Baccalaureus Medicus, A. R. S. H. 1724. à sextâ ad meridiem.